



Die begin van 'n nuwe era

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Sondag 16 Maart 2025 begin 'n nuwe era vir die Ring van Germiston en die Ring van Brakpan. Die twee ringe het na fasilitering van 18 maande besluit om te konsolideer en sal voortaan bekendstaan en funksioneer as die Ring van die Oos-Rand. Dr Hannes Janse van Rensburg het die konsolideringsproses namens die Sentrum van Gemeentelike Bediening (SGB) gefasiliteer. Hy het ook die voorreg gehad om die erediens op 16 Maart te lei. Sy tema vir die preek was: *Here, gee U nie omdat ons vergaan nie?* Die Skriflesing het uit Markus 4: 35-41 gekom.

Die vraag wat by die meeste van ons na vore kom, is: *Hoekom was dit noodsaaklik om 'n nuwe ring te stig?* Dr Janse van Rensburg verduidelik soos volg: *Die uitdagings van ons tyd het die Kerk gevra om nuut te dink. Meer en meer gemeentes word kleiner en finansiële hulpbronne is beperk. Die realiteit is dat gemeentes langer vakant bly. Al minder predikante is in standplase waar gemeentes hulle ten volle volgens skaal kan vergoed, wat beteken dat predikante en gemeentes moet aanpas. Die gevolg hiervan is dat predikante in meer as een gemeente werksaam moet wees of meer as een werk moet doen.* Hy beskryf konsolidering van ringe as 'n moontlike oplossing in die bogenoemde *perfekte storm*. Volgens hom is daar heelwat ringe in die Kerk wat eenvoudig nie genoeg predikante het wat die verantwoordelikhede van 'n Ringskommissie kan nakom nie. Dit het tot gevolg dat die belangrikste bediening en diens deur die Ringskommissie agterweë bly. Die ringe is dus sterker deur saam te werk en as een te funksioneer.

Die nuwe voorsitter vir die Ring van die Oos-Rand is ds CJ van Wyk en ds Dalene Lourens is as die eerste skriba verkies. Diakens Pieter Schreuder en Frikkie van Niekerk het die Ring verteenwoordig by die afgelope ADV.

Die volgende gemeentes vorm deel van die nuwe Ring van die Oos-Rand:

- Alberton
- Alberton-Wes
- Benoryn
- Boksburg
- Elsburg
- Emmaus Kenleaf
- Germiston
- Groeneweide
- Parkrand
- Seestergemeente Brackenhurst
- Selcourt
- Springs-Noord
- Springs-Oos
- Sundra
- Witfield
- Zesfontein

Dr Janse van Rensburg noem verder dat die Ring van Zuurfontein ook belangstel om deel te word van die Ring van die Oos-Rand. Die Ring van Zuurfontein was aan die begin ook deel van die gesprek oor konsolidering, maar kon op grond van regsadvies oor 'n ander saak nie deel word van die konsolidering nie. Hy noem dat sodra die saak afgehandel is, die Ring van Zuurfontein deel sal word van die nuwe Ring van die Oos-Rand.

Ons wens die Ring van die Oos-Rand God se seën in hul werksaamhede toe en hoop om spoedig meer oor hul werksaamhede in *Blitspos* te berig.

Lief en leed

- **Ds JH (Jan) Prinsloo** (emeritus) se broer, **Attie**, is verlede week oorlede. Die Kerk betuig simpatie met ds Prinsloo en sy familie.
- **Die volgende predikante verjaar tot 4 April 2025, en word hartlik geluk gewens:**
 - Woensdag 26 Maart: Ds DJP (Dirk) Stoltz (80) (emeritus)
 - Donderdag 27 Maart: Ds JBMH (Barry) van Schalkwyk (62) (Drie Riviere-Oos)
 - Vrydag 28 Maart: Di LJ (Lorret) de Leeuw (45) (Breyten/Carolina), MD (Mariët) Robbertze (61) (Kempton) en JJ (Jaco) van Sittert (46) (Randburg)
 - Saterdag 29 Maart: Dr FJ (Frans) Boshoff (79) (emeritus /Chrissiesmeer)
 - Sondag 30 Maart: Ds TF Dreyer (72) (emeritus) en Prop D (Drian) Cockeran (25) (Bronkhorstspuit vanaf 6 April)
 - Dinsdag 1 April: Ds A (Annalize) Rossouw-Lombard (38)(beroepafwagting)
 - Woensdag 2 April: Prof AB (Ananda) Geyser-Fouché (53) (dosent/Philadelphia) en ds L (Leanie) Lemmer (37) (Bellville)
 - Donderdag 3 April: Ds D (David) Barnard (61) (emeritus /Magaliesmoot vanaf 13 April)
 - Vrydag 4 April: Di GS (jr) (Stephan) Botha (56) (Rustenburg-Suid) en AS (Armandt) Botha (32) (Elsburg/Groeneweide)

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedts (karen@nhk.co.za) asseblief **teen 31 Maart** bereik **vir 11 April** se Moderamenvergadering. **Geen laat sake** sal in die agenda opgeneem word nie.
- **Gemeente Losberg** in Fochville is op 16 Mei 2025 'n volle **100 jaar** oud. Die feesviering begin Sondag **18 Mei** met 'n **lofsangdiens** en word op die naweek van **30 Mei tot 1 Junie** voortgesit waartydens ons afskop met ons **100 jaar van genade-basaar**. Die basaar begin Vrydag 30 Mei om 09:00 tot 18:00 en gaan Saterdag 31 Mei van 08:00 tot 13:00 voort. Sondag **1 Junie** vier ons **nagmaal** om 09:30 waartydens groetebodskappe en gelukwense oorgedra sal word. Ná afloop van die diens, sluit ons af met 'n ete en geleentheid om heerlik saam te kuier. Indien u (oud-predikante, oud-gemeentelede en belangstellendes) die geleentheid op Sondag 1 Junie 2025 wil bywoon, moet u asseblief **voor 14 Mei 2025** vir **Dr EB Marran** (082 444 1089) of **Sannietjie Boshoff** (072 361 2359) kontak.
- **Trek jy Suid-Kaap toe?** Gemeentes Swellendam (nhkswellendam@gmail.com), Outeniqua (outeniqua@nhk.co.za), Mosselbaai (gertmalan@telkomsa.net) of Oudtshoorn (nhk.oudtshoorn@gmail.com) ontvang jou graag.

Vergaderings

- Vrydag 28 Maart: Beleggingskomitee

Ringsvergaderings

RING	VERGADERPLEK	DATUM
BRONKHORSTSPRUIT	Bronkhorstspuit	12 April
CHRISSIESMEER	Chrissiesmeer	10 Mei
DORSLAND	Gobabis	11 en 12 April
HOËVELD	Volksrust	17 Mei
JOHANNESBURG	Kruispad	12 April

KLERKSDORP	Klerksdorp	18 Mei
KROKODILRIVIER	Hartebeestpoort	12 Mei
KRUGERSDORP	Krugersdorp-Noord	10 Mei
LAEVELD	Kampersrus Hoedspruit	16 Maart
LOSBERG	Sionspoort	10 Mei
MAGALIES	Villieria	13 April
MAQUASSI	Makwassie	9 April
MIDDELBURG	Roosenekal	24 Mei
NOORDELIKE BOSVELD	Naboomspruit	7 Mei
NOORDELIKE NATAL	Newcastle	5 April
NOORD-KAAPLAND	Vaalharts	15 Maart
OOS-KAAPLAND	Zoom	12 April
OOS-RAND	Alberton	11 Mei
PIETERMARITZBURG	Durban-Suid	5 April
POTCHEFSTROOM	Parys	13 April
PRETORIA	Pretoria-Oos	13 April
PRETORIA-WES	Centurion-Oos	18 Mei
ROODEPOORT	Kruin	17 Mei
RUSTENBURG	Rustenburg-Tuine	1 Junie
SWELLENDAM	Outeniqua	10 Mei
VEREENIGING	Vanderbijlpark	3 Mei
VRYSTAAT	Bloemfontein	25 en 26 April
WES-KAAPLAND	Strand	10 Mei
ZEERUST	Groot-Marico	12 April
ZUURFONTEIN	Kempton	12 April

Mediese fondskennisgewing

Die Discovery Health Mediese Skema bied lede op alle planne toegang tot die Sifting- en Voorkomingsvoordeel, wat gespesifiseerde siftingstoetse dek vanuit die skema se risikovooredele en nie vanuit lede se daaglikse vooredele en/of Mediese Spaarrekening (MSA) nie. Lees gerus verder [hieroor](#).

Werksgeleenthede

- **Pos as orrellis: Gemeente Kempton Park-Oos** se orrellispos is vakant. Belangstellendes kan asseblief vir ds Anneline Geyer kontak by 082 924 7344 of ds.anneline@gmail.com vir meer inligting en besonderhede rakende die pos.
- **Algemene Sekretaris: Die Wêreldgemeenskap van Gereformeerde Kerke (WCRC)** is opsoek na 'n toegewyde, deernisvolle en visioenêre leier om te dien as sy volgende Algemene Sekretaris. Die WCRC is 'n deelnemende en profetiese koinonia, verenig in 'n gemeenskap en geregtigheid met 'n wêreldwye gemeenskap van 100 miljoen Christene oor meer as 230 kerke in 107 lande. Kontak asseblief vir mev Karen Breedt by karen@nhk.co.za vir meer inligting. **Aansoeke sluit 30 April 2024.**

Kerklike en ander publikasies

- In die **April 2025-uitgawe van *Die Hervormer*** neem **dr Wouter van Wyk** die waarde van goeie administrasie in die gemeentelike ruimte in oënskou. Hy verwys spesifiek na hulp wat die Sinodale Dienssentrum aan gemeentes kan verleen om hul taak makliker te maak. **Dr Johan van Staden**, redakteur, toon in sy redakteursbrief aan dat ons daarna moet streef om 'n kerk te wees waar almal welkom voel tydens die huidige groeiende behoefte na behoort. Aansluitend hierby is **ds Michael Müller** se bydrae oor Gemeente Potchefstroom-Studente en **ds Rue Hopley** se NHKA-hoërskoolkamp. **Dr Annelie Botha** lig ons in oor die rol van robotte vir die versorging van bejaardes. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.



R250

GESKIEDENIS VAN DIE HERVORMDE KERK 1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za



- Lees die 17de uitgawe van die **gratis aanlyn publikasie *Lalasini hier***. In sy redaksionele berig besin **dr Piet van Staden** (emeritus/Worcester) oor die letterlike en figuurlike waarde van paaie en strate. U kan uitsien na heerlike resepte vir Paasfees en lekker saam met **mev Tessa Oppermann** die digkuns waardeer. Vorige uitgawes kan hier gelees word: ***Lalasini - Archive***.
- Die ***Bybelse Dagboek/Almanak 2025*** is beskikbaar by die Sinodale Dienssentrum se boekwinkel in Derdepoort. Bestellings kan steeds geplaas word by mev Sarie Roux, by **boekwinkel@nhk.co.za**.

Bybelse Dagboek / Almanak 2025

R200 (versending uitgesluit)

Kry belangrike inligting oor die Hervormde Kerk én 'n inspirerende Bybelse dagboek in een omslag

Bestel by **boekwinkel@nhk.co.za**



'n Gedig

Die Vraag

Die navorser het die net wyd gegooi:
oor rasse en klasse, geslagte én geslagte.
Van die stedelike toringblokke af tot
waar 'n eensame rokie bo 'n afgeleë huis
hemel toe reik, wou hy weet:
As julle Hom een vraag kon vra...

Later het hy by sy tafel gesit, deur duisend
papiere gewerk, response gerekenariseer,
georden, geanaliseer. En uit dit alles
het oorweldigend, één vraag gekristalliseer:
“Hoekom is die aarde so vol pyn en leed?”

Die Vader het oor sy skouer geloer,
gesug: “Dis wat ek van julle wou weet...”

Neels Jackson

Uit: www.facebook.com/neels.jackson

Fondsinsamelings



DIE PASTORIE
*Gerieflike verblyf in Polokwane
wat jou huis laat voel...*

- Die Pastoriekamer – Koninggrootte bed en suite
- Die Buitekamer – Dubbelbed en suite
- Elke kamer met privaat ingang en binnehof
- Selfsorg geriewe
- Ideale oornag vir koshuisouers
- Gerieflike oornag op pad na, en vanaf, die Kruger Wildtuin en ander Limpopo bestemmings
- Uitstekend geleë naby hospitale en inkopie sentrums

BESPREEK NOU
Henk & Trudie Joubert
dshenk@mweb.co.za

PASTORIE GASTEKAMERS 082 561 3799

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings,** kontak Salomie Stolz gedurende kantooreure 08:00-12:00 by 012 329 4318, of na ure by 083 308 0520.

- **Gemeente Kathu hou basaar!** Kom kuier **29 Maart** saam met ons. Kontak vir Johan Muller by 083 958 3405 vir meer inligting. Skenkings kan ook in hul bankrekening gemaak word. Bankbesonderhede: Absa, NHK-Karthu, rekeningnommer 4109126751, takkode 632005.

SP Engelbrecht-museum

- Ds Johann de Bruin het toestemming gekry om 'n **ou posbus te verskuif** na die museum. Hy benodig egter hulp in die vorm van gewillige sterk hande en donateurs. Belangstellendes kan hom gerus kontak by **082 733 3951** of careljohann@gmail.com.

Toerusting



HTK e-leer kursus vir alle lidmate van die kerk

Tema: Doopkategese

Fooi: R100


Navrae: Ds Hannes van der Merwe
+27 82 575 1979
hannes@pretoriaaooos.com



Klik *hier* vir meer inligting.
Registreer: <https://winkel.hervormdeteologie.co.za/>

MODULES

- 1 My roeping - 'n Lewensreis
- 2 Liturgie van die doop
- 3 Geloofsvorming by die huis
- 4 Ek deur God se oë
- 5 Die eerste dae van jou kindjie se lewe



- **Versorgeropleiding:** Is jy Afrikaans met jou eie vervoer en akkommodasie en 'n besondere liefde en omgee vir jou medemens? Registreer vir die versorgeropleiding wat aangebied word deur die opleidingsinstituut van Solidariteit en gemeentes van die NHKA. Die opleidingskursus duur ses maande en vind by die **Solidariteit Helpende Hand Opleidingsinstituut** in Garsfontein, Pretoria plaas. Die kursus fokus op bejaardes, persone met gestremdhede, asook versorging vir persone wat operasies ondergaan het. Kandidate word toegerus met die nodige vaardighede en kundigheid om gereeld met gemeentes en instansies te skakel en dienste teen billike vergoeding aan te bied. Indien jy belangstel skakel gerus vir Helpende Hand by 012 111 8360 of besoek die webtuiste *hier* of kontak kantoor@kerkteendieberg.co.za of 081 000 5818.



Departement van Teologie
in samewerking met die



NEDERDUTSCH HERVORMDE KERK VAN AFRIKA

Diploma in Bediening Deeltydse studies

Ten volle geakkrediteerde kwalifikasie: NQF Vlak 6
SAQA ID: 96454; aantal krediete 379; 5 jaar deeltyds



Toelatingsvereistes
Nasionale Senior Sertifikaat met toegang tot diplomastudies, of gelykwaardige kwalifikasie

“Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk.”

Inskrywings vir Februarie 2025 kan nou gedoen word.

Maak 'n verskil in die Koninkryk van God

Navrae: Dr Deon du Toit
E-pos: ministry@skillspro.co.za
Selnommer: 082 894 5751

Studentesake

- Ons besef hoe belangrik dit is om te voel dat jy iewers aan 'n geloofsgemeenskap behoort. Om weg van jou ouerhuis 'n geestelike tuiste te vind, kan 'n uitdaging wees. Ons wil graag van diens wees.

Studeer jy by enige van hierdie instansies?

- Akademia
 - Centurion Akademie
 - Sol-Tech
 - Stadio
- As jy in die Centurion-omgewing woon, wil ons jou bewus maak van die geestelike versorging wat ons gemeente aan studente bied. Ons bedien die volgende woonareas:
 - Lyttelton
 - Kloofsig

- Monumentpark
- Doringkloof
- Irene
- Die Hoewes
- Highveld

Ons wil graag 'n geestelike tuiste aan alle studente in ons omgewing bied. Ons kan selfs vervoer na ons gemeentebyeenkomste reël. Indien jy meer inligting benodig, kontak gerus vir ds Lisa-Mari (083 943 4561) of vir Maryna (012 664 2044 tydens kantoorure).

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Spesiale projekte

Gemeente Olifantsfontein se broodjieprojek

Gemeente Olifantsfontein se broodjieprojek het op 9 Mei 2022 'n aanvang geneem. Hierdie projek ontstaan ná afloop van dr Frikkie Labuschagne (SGB) en diak Pricilla Rantsini, die sekretariële beampte van die gemeente, se besoek aan Olifantsfontein Primary School. Tydens hierdie besoek is die behoefte aan só 'n projek duidelik en mev Frieda en mnr Retief Scheepers neem die inisiatief om dit op dreef te kry.



Tans smeer mev Hanneljette Schutte en Collette Venter steeds broodjies vir dié projek. Daar word daaglik agt brode gesmeer waarvan een brood aan die graad een tot drie-leerlinge geskenk word en sewe brode vir die graad vier tot sewe-leerlinge gaan. Aan die einde van die maand bepaal die juffrou wat in beheer is van die projek by die skool indien daar nog verdere behoefte onder die leerlinge is. Sy kommunikeer met die gemeente deur 'n nota in die broodblik te los.

Indien hierdie projek u dalk na aan die hart lê en u 'n donasie wil maak, kan u gerus vir mnr Dawid Janse van Rensburg (kassier) (083 303 4183) kontak.

Barmhartigheid

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemsse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-

veiligheidsdienste en toegangsbeheer, en bestaan uit die volgende woonstelle:

- Eenslaapkamer: R515 000
- 1½-slaapkamer: R520 000
- Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**



Gebed vir die week

Liewe Vader

Elke woord wat ek sê, elke brief wat ek skryf,
weerspieël iets van my hart.
Dit vertel van my twyfel, my hoop, my worsteling,
my begeerte om nader aan u te kom.
Ek skryf briewe om 'n lewende verhouding
met U te kan beleef.
Dankie, dat ek my woorde na U kan bring
en dat U altyd gereed sit om my te antwoord.
U wag vir my om die pen op te neem.
Dankie, ook vir u briewe aan my –
dat U my antwoord uit u Woord.
Ek wil – net soos Jeremia – u woorde eet,
sodat dit soet soos heuning op my tong kan wees
en my versterk op my lewensreis.
Baie dankie vir u lewende Woord.

Amen.

(Uit: *Briewe aan God*. Lizette Murray. 2018)